



KENYATAAN MEDIA

SIASATAN TERHADAP PEGAWAI PERUBATAN BERHUBUNG PEMALSUAN COP DAN TANDATANGAN DALAM LAPORAN PERUBATAN

KUALA LUMPUR - Pertubuhan Keselamatan Sosial (PERKESO) hari ini merujuk kepada kenyataan media yang dikeluarkan oleh Jabatan Siasatan Jenayah Komersil (JSJK) Pulau Pinang, Polis Diraja Malaysia pada Isnin, 25 Januari 2021 berkaitan siasatan terhadap seorang pegawai perubatan yang disyaki memalsukan dokumen rekod pesakit.

PERKESO sedang bekerjasama dengan pihak PDRM untuk mengenal pasti dokumen-dokumen yang terlibat bagi membantu siasatan. Berdasarkan beberapa dokumen yang telah dikemukakan untuk pengesahan, PERKESO mendapati dokumen-dokumen tersebut telah diproses untuk pembayaran tuntutan faedah. Hasil siasatan awal juga mendapati sekurang-kurangnya **16 kes** dapat dikaitkan dengan pegawai perubatan tersebut.

Pada masa yang sama, PERKESO juga sedang menjalankan siasatan dalaman bagi mengenal pasti sebarang unsur penipuan yang mempunyai modus operandi yang sama. Sekiranya terdapat penemuan yang berkaitan, PERKESO akan melaporkan kepada pihak berkuasa untuk tindakan selanjutnya.

Memandangkan pihak polis masih menjalankan siasatan terhadap kes ini, sebarang kenyataan lanjut hanya akan dimaklumkan setelah siasatan selesai.

DATO' SRI DR. MOHAMMED AZMAN BIN DATO' AZIZ MOHAMMED
KETUA EKSEKUTIF
PERTUBUHAN KESELAMATAN SOSIAL (PERKESO)
27 JANUARI 2021

DISCLAIMER PERKESO tidak akan bertanggungjawab atau bertanggung bagi apa-apa kerugian yang terbit dalam kontrak, tort atau sebaliknya atas penggunaan atau pendedahan apa-apa data oleh mana-mana pihak bagi tujuan Pakej Rangsangan Ekonomi PRIHATIN 2020 yang melibatkan PERKESO seperti Program Subsidi Upah, Program Pengkalan Pekerjaan dan Program Saringan Prihatin PERKESO atau program-program lain yang berkaitan dengannya dan tidak akan bertanggungjawab atau bertanggung sekiranya penggunaan atau pendedahan apa-apa data oleh mana-mana pihak bagi tujuan tersebut dilakukan oleh mana-mana pihak yang tidak diberi kuasa secara bertulis oleh PERKESO. PERKESO memandang serius terhadap keselamatan data peribadi dan meminta semua pihak supaya mematuhi peruntukan undang-undang dan peraturan-peraturan yang berkait dengan perlindungan data peribadi.